

**Q. D. B. V.**

**AVGVSTISSIMO PRINCIPI AC DOMINO**

**PRINCIPI IVVENTVTIS PRVSSORVM**

**FRIDERICO GVILELMIO**

**CUM**

**AVGVSTISSIMA CONIVGE AC DOMINA**

**VICTORIA BRITANNICA**

**FAVSTIS NVPTIIS LONDINI RITE CELEBRATIS**

**FELICITER REDEVNTI**

**LAETABYNDI ACCLAMANT**

**MAGISTRI ATQVE ALVMNI**

**GYMNASII VESALIENSIS.**

**MDCCLVIII.**

**F**allor? hiberna nive jam soluta  
**P**urpura an veris subito renidet?  
**G**ratias Horae reserantve junctae  
**L**imina coeli?

**S**urgit Eois bona lux ab oris,  
**C**larius praeter solitum refulgens,  
**S**pondet et certam populo salutem  
**A**uspice REGE.

Ecce, **FRIDRICVS CVILELMVS** almam  
 Conjugem totoque animo cupitam  
 Ad Lares ducit patrios, reuectus  
 Alite fausto.

Nuper amplexu tenerum nepotem  
**MATER AVGVSTA** et **GENITOR** tenentes,  
 Nunc **NVRVM** optatam roseo in iuventae  
 Flore salutant!

Sic novo fulgore micat **PARENTVM**  
 Purpuratorum celebrata virtus,  
 Claret ac bello pariterque pace  
 Gloria gentis.

O diem laetum! populo adstrepente  
 Nec semel dicente: **Beatus ILLE**,  
 Cui comes **VICTORIA**, **MATRE** grata  
 Gratior **IPSA**,

Dulcius qua nil meliusve nobis  
 Fata donavere, **Deo** annuente,  
 Nec dabunt, quamvis redeant in aurum  
 Tempora priscum!

Spreva dum fratri sociata **Havello**,  
 Leniter lambens monumenta regum,  
**PRINCIPI** gratans **DOMINAE** que cantat  
 Prima hymenaeos,

Accolas **Rhenus** genialem ad aram  
 Convocat, priscae fidei tenaces;  
 Vndecim **Schilli** comitum ad sepulcra  
 Luppia plaudit.

Martis arx **Vesalia** et hospitalis —  
 Exsules olim patriae **Britanni**  
 Nominis testes, socia hac recepti  
 Comiter urbe —

Publicos plausus geminat precesque  
 Nuncupans fidas, dociles modorum  
 Evocare ausa est placidis **Camoenas**  
 Tiburis umbris.

Jam patet templum: properat juvenus,  
Fortiter doctis operata ludis,  
Voce concordi, ducibus magistris,  
Fausta precari:

Stirpis heroeae generosa proles,  
PRUSSIAE PRINCEPS COLVMEN que, salve,  
Docte sic Musas utriusque linguae,  
Martis ut artes!

Salve et ANGLORVM DECVS atque NOSTRVM,  
Insita virtute beans maritum,  
O diu DIVAE maneat LVISAE  
Dulcis imago!

Quos Amor constansque Fides jugavit,  
Sera felices hilaret senectus,  
Detur et VOBIS similem parentum  
Cernere prolem.

Si Deus nostris precibus favebit,  
REGIAM GENTEM pietate fultam  
Sospitet semper faciatque ab omni  
Parte beatam.

Majus hinc late decus emicabit  
Patriae; terras nova per remotas  
Fama manabit: Jovis ales audet  
Tangere solem!

